

保  
產  
金  
丹

二



保產金丹卷二

神泉劉步青雲衢氏鑒定

後學劉文

煥章甫

校正

華雲樵

纂輯

目錄

臨產部

六字真言

睡

忍痛

慢臨盆

或問臨產八則

不須用力

自會鑽出

急令安睡

極力忍疼

逼到產門

一痛便生

穩婆不可用

藥餌不可用

試痛

不必驚慌

只看痛法

傷食寒熱辨

逾時無害

飲食

不宜過於肥膩

宜服人參湯

臨產斟酌

不可撫摩太重

不可妄服催生藥

不可四開風窻

不可預去下衣

礙產偏產棖後產

盤腸產瀝漿產

露于產露足產露臀產

怪胎勿驚慌

產難自定主張

逾月不產

正產宜用熟練婦人抱胸

臨產宜向長生方

臨產十忌

忌早坐草

忌試水

忌急促

忌曲身

忌驚憂燥暴

忌喧鬧

忌閒人

忌污穢

忌饑飽

忘賊風

難產諸症

血虛

氣逆

交骨不開

脚手先下

子死產門

子死腹中

正產諸症

胞衣不下

氣虛血暈

血暈不語

敗血空心暈狂

腸下

臨產方藥

保產神效方

保產無憂散

僊傳回急保生丹

僊傳通津救命至靈丹

續景岳先生未離經三字寶訣



勸穩婆說

驗案

保產金丹卷二

臨產部

易產全要忍痛緩待切莫急從後有辨認真正  
產時至時用力可保萬全臨產以此為最

六字真言 一曰睡 二曰忍痛 三曰慢臨盆

初覺腹痛先自家拿穩主意要曉得此是人生必然  
之理極容易之事不必驚慌但看疼一陣不了又  
疼一連五七陣漸疼漸緊此是要生方可與人說  
知以便伺候若疼得則是試疼只管安眠穩食慢  
不可亂動此處最要着意留心乃是第一關頭不

慢

可忽略若認作正產胡亂臨盆則錯到底矣

此時第一要忍疼為主不問是試疼是正產忍住疼照常吃飯睡覺疼得極熟自然易生且試疼與正生亦要疼久看其緊慢方辨得清千萬不可輕易臨盆坐草揉腰擦肚至嘔至瀉再站時宜站穩坐時宜正坐不可將身左右擺扭須知此處要自家作主他人替不得與自家性命相關與別人毫無干涉

到此時必要養神惜力為主能上床安睡閉目養神最好若不能睡暫時起來或扶人緩行或扶桌站

立片時疼若稍緩又上床睡總以睡為第一妙法  
但宜仰睡使腹中寬舒小兒易於轉動且大人睡  
下小兒亦是睡下轉身更不費力蓋大人宜惜力  
小兒亦宜惜力以待臨時用之切記切記

無論遲早切不可輕易臨盆用力切不可聽穩婆說  
孩兒頭已在此以致臨盆早了誤盡大事此乃天  
地自然之理若當其時小兒自會鑽出何須着急  
因恐小兒力薄其轉身時用力已盡及到產門不  
能得出或亦有之宜稍用力一俾助之則脫然而  
下蓋此時瓜熟蒂落氣血兩分渾身骨節一時俱

開水到渠成不假勉強及至生下即產母亦不知其所以然矣

用

或曰大便時亦須力如何生產不用力不知大便呆物必須人力小兒自會轉動必要待其自轉不但不必用力正切忌用力蓋小兒端坐腹中及至生時垂頭轉身向下腹中窄狹他人有力難助要聽其自家慢慢轉身到產門頭向下脚向上倒懸而出若小兒未曾轉身用力一遍則脚先出以為詫異且贈之美名曰脚踏蓮花生或轉身未定時用力一遍則橫卧腹中一手先出又名之曰討盜

生即或轉身向下略不條直用力略早亦或左或  
右偏頂腿骨而不得出不知此等弊病皆是時候  
未到妄自用力之故奉勸產婦萬萬不可用力然  
亦非全不用力但當用力只有一盞茶時耳其餘  
皆不可亂動者也即如大便未到其時縱用力亦  
不能出而况於人手

或問何以知此一盞茶時而用力也曰此時自是不同若  
小兒果然逼到產門則渾身骨節疏解胸前臨下腰  
腹重墜異常大小便一齊俱急目中金花爆濺真其  
時矣當於此特臨盆用力一冲母子分張何難之有

或曰小兒會鑽出之說到底未敢盡信不知古人曾  
言及否曰古人立言不過撮其大要安能事事而  
悉言之只要後人能體會耳觀瓜熟蒂落四字即  
知小兒自會鑽出觀揠苗助長四字即知將試痛  
認作正生之弊矣夫哺雞日足自能啄穀而出豈  
有催生之神藥穩婆之妙手乎古人謂有違至三  
四年而後生者此是不可鑽出耳既自不肯鑽出  
誰能強之自欲鑽出誰能禦之

或曰早一時斷乎不可動矣不知違了一時可不妨  
否曰不動若果當其時必無不出之理然或偶有

不出者則是小兒力盡不能得出宜令上床安睡  
使小兒在腹中亦安睡歇力少刻自然生矣

或曰倘或兒到產門而大人睡下豈不有礙曰更好  
蓋兒向下時而大人坐立則小兒倒懸矣豈能久  
待今大人睡下兒亦睡下有何妨礙又曰倘或悶  
壞奈何曰他十箇月不悶今乃悶乎

或曰忍疼過久或亦不妙曰最妙從不聞婦人私產  
而難產者或謂有神護佑非也總因胎起於私怕  
人知覺只得極力忍疼疼到沒奈何時自然下脫而  
出其理甚明又有何疑處



或曰不宜用力已聞救矣不知先誤用力已致橫生  
倒產有法治之否曰急令安睡用大劑加味芎歸  
湯服之將手足緩緩托入再睡一夜自然生矣又  
曰托之不入奈何曰若肯睡再無托不入之理若  
到此時仍不許他睡又或動手脚動亂吃藥方吾  
末如之何矣

或問盤腸生是何緣故曰是用力之過蓋因產母平  
日氣虛及到臨時用力努掙渾身氣血下注以致  
腸隨兒下一次如此下次路熟又復如此若能等  
待瓜熟蒂落之時何得有此怪異

或問有一痛便生令人措手不及者此又何也曰此乃正理何足為異蓋胎氣已足母子兩分兒自要出雖欲留之而不可得人人皆是如此皆各有此一特只要忍耐得住等待此一特耳

或曰穩婆不必用手曰既有此輩亦不能不用但要我用他不可他用我全憑自家作主不可聽命於彼耳大約此等人多愚蠢不明道理一進門來不問避早不問生熟便令坐草用力一定說孩兒頭已在此或令揉腰擦肚或手入產門探摸多致損傷總以見他功勞不肯安靜更有一等狡惡之婦

借以居奇射利禍不忍言矣按吳越之間謂之穩  
婆江淮間謂之收生婆徽寧間謂之接生婆按收  
接二字之義因其年老慣熟令之接兒落地收兒  
上床耳原非要他動手動脚也每見富貴之家預  
將穩婆留在家中及到臨時稍不快利前門後戶  
接到無數紛紛攘攘吵成一片所謂天下本無事  
庸人自擾之

或問臨時有經驗之藥亦可用否曰不用從前奇方  
莫過竄腎鬼腦丸今時盛行莫過回生丹非謂其  
不效而不用也總用不着耳既不用力又不動手

又有睡法佐之他自會生何消用藥縱有不順睡  
為上策

或問服藥有益無損否曰安得無損鼠鬼二丸大耗  
氣而兼損血回生丹大破血而兼損氣蓋鼠鬼例  
用香竈之藥產時百脈解散氣血虧虛服此散氣  
藥兒已出而香未消其損多矣且令毛竅開張招  
風入內禍不可言回生丹以大黃紅花為君其餘  
亦多消導之品血已耗而又大破之多致產後發  
熱等病遺患無窮都只謂產後失調誰復歸咎於  
藥按此數方古今稱為神靈奇寶者尚然如此其

他可知送藥者本是善念但知有利不知其害耳  
或問總無可用之藥乎曰有只須加味芎歸湯佛手  
散二方用之不盡矣蓋胎產全要血足血一足如  
舟之得水何患不行唯恐產母血少又或胞漿早  
破以致乾澁耳今二方皆大用芎歸使宿血頓去  
新血驟生藥味易得隨地皆有且使身體壯健產  
後無病真正有益無損此皆先賢洞明陰陽之理  
製此神丹以利濟天下後世奈世人貴耳賤目以  
為平常而不用必求奇怪之藥而後用之只要奇  
怪不論損益豈不可嘆

或問依此言世間總無難產者耶曰偶亦有之或因  
母太虛胎養不足血氣不完或母病傷寒之後熱  
毒傷胎又或夫婦同房太多以致慾火傷胎平日  
過食椒姜煎炒熱物火毒傷胎以及跌撲損傷皆  
致難產多令胎死腹中除此之外無難產者矣

Blank manuscript page with vertical columns.

# 試痛

或問試痛何故曰兒到七八箇月手足五官全備已能動彈或母腹中有火或起居不時令兒不安以此火動而痛此等十胎而五不足為奇只宜照常穩食安眠一二日自然安靜或痛之不止用安胎藥一二服自止此後近則數日遠則月餘甚至再過三四箇月纔產人多不知輕易臨盆終日坐立不令睡倒或抱腰擦肚或用手拖或用藥打生生將兒取出母則九死一生兒則十胎九死慘不可言世間難產皆此故也蓋胎養不足氣血不全如



塊

剖卵出難裂繭出蟬寧可活乎只說小兒難養誰  
復根究到此 又有受寒及傷食腹痛不可不知  
或問何以知其試痛曰只看痛法一倅緊一倅者正  
生也一倅慢一倅或乍緊乍慢皆試痛也

或問傷食受寒何以辨之曰傷食者當臍而痛于按  
之便痛或臍旁有一硬寒痛多在臍下綿綿而痛  
不增不減得熱物而稍緩是也

或曰試痛亦有或未必多曰甚多曰何以見之曰以  
今之難產者多也

或問將試痛認作正生其害如此倘將正生認作試

痛以致過時不亦有害乎曰無害兒當其時小兒  
自會鑽出縱或過時不過落在襁中生在床上而  
已有何大害而如此諄諄乎

### 飲食

或問臨產時飲食如何曰此時心內憂疑腹中疼痛  
甚至精神疲倦口中失味全要好飲食調理但不  
宜過於肥膩耳倘不能食只將雞鴨湯肉湯之類  
吹去油澄清頻頻飲之亦能壯助精神人以食為  
命豈可一日闕乎

或問產時以飲食為本有等人臨產不能飲食者

則精氣不壯不亦難用力乎曰不難必須將好人  
參二三錢煎濃汁一鍾當是兒將出時服之大助  
氣力勝於肉食百倍若貧賤之家無力辦人參或  
用洋參代之亦可倍服人參要在將產未下時  
服之補助元氣若已經產後則人參不可輕用切  
記

### 臨產斟酌

一產時不可撫摩太重腹初痛則胞衣未破而欲破  
之時也兒將分娩心中亦有靈性矣見腹外揣摩  
兒不知為何物遽生驚恐則縮不敢動胞衣又何

時而得破乎

一產時不可妄服催生藥蓋催生方虛誕者甚多如  
兔頭以百草霜伏龍肝等藥服之徒劫燥精液更  
有燒符冷水內服之最傷人此皆不明理之人所  
為勿聽其惑

一若遇盛夏生產不可四開風窻恣取涼快以致傷  
損胎氣又不可多人在旁以致熱蒸之氣熏逼產  
母恐有血沸血暈及發熱頭疼面赤昏迷等症此  
為熱產最要相時調變大抵產當暑月必須開通  
幃幔多放水盆以消煩熱之氣自然心神清泰血

氣平和無他患矣其雖當夏月或<sub>下</sub>而過風雨陰涼之日又當謹避又醫方中不知何人著有暑月生產用涼水服六一散之說此無稽之論切勿深信<sub>至</sub>囑

一若過冬寒生產不可預去下衣早先試水恐致受寒則氣血凝滯不得流通而難於分娩惟是衣服宜厚產室宜暖閉塞窻戶勿令透風房內置火一盆炭先在外燒紅勿用生炭恐有烟頭惡氣蓋室暖氣和產生自易若春初生產此時天氣尚寒亦須如此調理

一產時門戶俱正兒已露頂而不下此臍帶絆兒肩也名曰礙產須令產母仰卧輕輕推兒向上以手指輕輕按兒肩去帶即產

一小兒偏挂左右腿畔先露頭角而不下名曰偏產須令產母仰卧輕輕推兒近上窩是偏左偏右以手扶其頭項端正而產

一兒頭後骨偏挂穀道露額而不下名曰棖後須於穀道外旁輕輕推兒頭令正而產

一有子未下腸先下者名盤腸生覺甚駭人然亦無害急取一淨盆用開水洗熱將腸置於盆內靜待

勿懼于下後腸即徐徐收回若時久盆與腸俱冷不能速收急用開水一盆待溫以入得手為度將溫水傾於置腸盆內腸熱氣充即可收起矣

一有漿流一二日不產者名澀漿生亦無大害但須明諭產婦令勿懼怖旁人亦勿惶恐驚訝穩婆切勿妄施手法以致誤事姑俟漿流漸少當自生矣一早用力而先露手者曰橫生先露足者曰逆生先露臀者曰生生凡此皆危道也橫生逆生各有治法詳後如露臀者令產母仰卧推兒近上以手正其頭俟轉身用力一努即下無虞矣按諸產皆母

曲身坐卧用力太早所致若收生之人非精良妙  
手不可依用此法恐恣其愚以傷人命也今見有  
側產者往往隨其倒足生下並無後患于母雙全  
不必依推足之法為是

一凡有怪胎人勿驚慌亦自然生下但穩婆有見識  
者勿令產母知之更妙

一若過產難產母必須自定主張耐心忍痛雖日久  
亦可無虞旁人切勿驚訝使產母見之煩悶則氣  
不順而血妄行為害不小矣

一婦人懷孕有七八箇月生者有一年二年乃至三



四年而後生者不可不知

一果正產用一熟煉婦人立於產母背後雙手托住  
胸前不可太緊恐氣不流行產母亦自以雙手緊  
抱肚臍令胞胎下墜如未到正產之時不可令人  
早抱恐兒難轉胎也

一臨盆時宜用長生方切忌本年太歲方向毋血衣  
不可日晒兒濕衣不可夜露

臨產十忌

第一最忌早坐草 凡產婦坐草最要及時不可太早若兒身未順甯可遲遲寬心以待倘坐草太早非正產之時即使產母用力往往逼胎不正變生諸患雖悔無及矣

一忌試水 凡聽信穩婆預先頻頻試水及輕易下手者往往誤傷胞破以致胞水先乾或風入產門因而腫脹狹小反令分娩為難須是主家識得此理庶幾不為所誤

一忌急促 凡腰腹雖痛而其勢尚緩且令產婦勉

強進食惜力精神自然臨盆氣壯易產若急思胎  
兒離腹不省正產與轉胎勉強努力催生必致橫  
逆諸患以誤大事不可不慎

一忌曲身 凡將產坐卧最戒曲身但產母畏痛多  
不肯直身行立每喜曲身坐卧以致胎元轉動不  
順兒出胞時尋到產門被母曲身遮蔽因不得出  
少頃再轉母又護痛再閉如此則子必無力而  
不能動人見其不動將謂胎損其實俱因無力也  
只要產母心安氣和勉強飲食漸漸調理自然順

易

一忌驚憂躁暴 凡胎水已下子忽不動停一二日  
三五日者切戒驚恐憂疑躁暴蓋驚則神散憂則  
氣結躁暴則氣不順血必妄行多致昏悶若能遵  
之自然無患且易分娩

一忌喧鬧 凡臨產時最有急迫異常等事房中不  
得喧鬧戶外不得叫喊恐產婦失驚致令胎反滯  
澁也惟宜閉門自養靜以待生可

一忌閑人 凡臨產宜預擇曉事婦女一二人旁  
扶持屏去一切閑人蓋孕婦臨盆原羞見人或  
有親戚在旁又不便趕出未免焦燥且人多則言語

混淆嘈嘈雜雜令產婦心亂或在門外窻外唧唧  
嚶嚶尤令產婦心疑戒之戒之

一忌污穢 凡臨產最宜清潔一切外來親戚及孝  
服污穢月經不淨或體氣酒醉之婦皆宜杜絕勿  
令入房觸犯胎氣已產未產俱忌之未產則生難  
已產則傷兒也尤忌狐臭人善令產婦發腫不但  
孝服即穿白持白物入房亦忌

一忌饑飽 凡腹痛未產之先如覺稍飢即少與陳  
米粥食之不可忍飢要之腹有粥食則免氣弱之  
患如覺煩渴可用滾水調白蜜兩匙與飲最能潤

臟腑凡食不可太飽恐食多滯於上焦氣不得下  
行致令難產又恐產後食停於中變生諸病  
一忌賊風 凡生產時切不可當門對坐恐風入產  
戶瘀血未去發熱頭疼虛火上行便不救矣可不  
慎哉

此乃... 大... 一... 其... 滿...

難

難產諸症

一血虛 妊娠有腹疼數日不能生產人皆曰氣虛  
力弱不能送子出產門誰知是血虛膠滯胞中無  
血兒難轉身乎夫胎之成成於腎臟之精而胎之  
養養於五臟六腑之血故血旺則子易生血衰則  
子難產所以臨產之前宜用補血之藥補血則血  
不能遽生必更兼補氣以生之然不可純補其氣  
也恐陽過於旺則血仍不足偏勝之害必有升而  
無降亦難產之漸也防微杜漸其惟氣血兼補乎  
使氣血並旺則氣能推送而血足以濟之是汪洋



之中自不難轉身也又何有膠滯之患乎方用送

子丹

生黃芪 一刃 當歸 一刃 麥冬 一刃 熟地 五子

川芎 三子

水煎服一劑而生矣且無橫生倒產之患此補氣

補血之藥也二者相較補血之味多於補氣之品

蓋補氣止用黃芪一味其餘無非補血之品血旺

氣得所養氣生血得所依胞胎潤澤自然易產譬

如舟遇水淺之處雖大用人力經難推行忽逢春

水泛濫舟自躍躍欲行再得順風以送之有不揚帆

仍

而迅行者乎

方妙若頭產交骨不開加炙龜板尾三錢生過子  
婦人頂心髮三錢洗淨用新瓦一個置火上焙髮  
成灰入藥同煎服下即效

一氣逆婦人有生產數日而胎不下者服催生之  
藥皆不見效人以為交骨之難開也誰知是氣逆  
不行而然乎夫交骨不開固是難產然兒頭到產  
門而不能下者方是交骨不開之故自當用開骨  
之劑若兒頭尚未到產門乃氣逆不行兒身難轉  
耳非交骨不開之故也若開其交骨則兒門大開

兒頭未轉而向下故致變症非常是兒門萬萬不可輕開也大凡生產之時切忌坐草太早若兒未轉頭原難遽生乃早於坐草產婦見兒許久不下未免心懷恐懼恐則神祛祛則氣下而不能升氣既不升則上焦閉塞而氣乃逆矣上氣既逆而上焦必脹滿而氣益難行氣阻滯於上下之間不利氣而徒催生則氣愈逆而胎愈閉矣治法宜利其氣兒自轉身而下矣方用舒氣散

人參

一分

當歸

二分

川芎

五分

白芍

五分

紫蘇梗

二分

牛膝

二分

陳皮

一分

柴胡

八分

將

葱白七寸水煎服一劑而逆氣轉兒即下矣此方  
利氣而實補氣蓋氣逆由於氣虛氣虛易於恐懼  
補其氣而恐懼自定恐懼定而氣逆者轉莫知其  
何以定也何必開交骨之多事乎哉  
一交骨不開 妊婦有兒到產門竟不能下此危急  
存亡之時也人以為胞胎先破水乾不能滑利也  
誰知是交骨不開之故乎蓋產門之上原有骨二  
塊兩相鬪合名曰交骨未產之前其骨自合若天  
衣之無縫臨盆之際其骨自開如開門之見山婦  
人兒門之肉原是斜生皮亦橫長實可寬可窄可

大可小者也苟非交骨連絡則鬼門必然大開可  
以手入探取胞胎矣此交骨為鬼門之下關實  
婦人鎖鑰之鍵此骨不開則腸可直下此骨不開  
則兒難降生然而交骨之能開能合者血氣主之  
也血旺而氣衰則兒難向下而鬼門不開氣旺而  
血衰則鬼門可開而兒難向下是氣可以開交骨  
血所以轉鬼身也欲生產之順利非大補氣血不  
可然交骨閉甚易而交骨之開甚難臨產交骨不  
開者多由於產前貪慾洩精太甚精洩則氣血失  
生化之本而太虧矣氣血虧則無以運潤於鬼門

而交骨粘滯不開矣故欲交骨之開必須於補氣  
補血之中而加開骨之品兩相合法自無不開之  
患不必催生而兒自迅下母子俱無恙矣方用降  
子湯

當歸 一兩 人參 五錢 川芎 五錢 紅花 一兩

川牛膝 二錢 柞木枝 一兩

水煎服一劑而兒門必响亮一聲交骨開解而兒  
乃降生矣此方用人參以補氣芎歸以補血紅花  
以活血牛膝以降下柞木枝以開闕解骨居臣佐  
使同心協力所以取效如神在用開於補之中也

然單用柞木枝亦能開骨但不補氣與血恐開而難合未免有下部中風之患不若此方之能開能合之為神妙也至於兒未臨門之時萬不可先用柞木以開其門然用降子湯亦正無妨以其能補氣血耳若欲單用柞木必須候兒到門而後可方為子已臨門救急而設若子未臨門血虛難產宜服前送子丹不可遽服此方

一方用加味芎歸湯

當歸

二錢

川芎

七錢

皂板

手大

一塊

醋炙

研末

血餘

如雞蛋大以麥面揉洗令淨煨存性

水二碗煎一碗服約人行五里即生  
薛云交骨不開陰氣虛也此方如神  
又云上舍某之妻產門不開兩日未生服此一劑  
即時而產上舍傳此方用之者無不效驗

一脚手先下 妊婦生產之際有脚手先下兒不得  
下者皆氣血兩虛故也夫兒在胞胎之中兒身正  
坐男面向後女面而前及至生時頭必旋轉而向  
下此天地造化之奇非人力所能勉強者雖然先  
天與後天原並行而不悖天機之動必得人力以  
濟之所謂人力者非產母用力之謂也謂產母之



氣與血耳產母之氣血足則胎必順產母之氣血  
虧則胎必逆順則易生逆則難產氣血既虧母身  
必弱子在胎中亦必弱胎弱無力欲轉頭向下而  
不能此胎之所以有脚手先下者也當是之時急  
用針刺兒之手足則兒必痛而縮入急用轉天湯  
以救順之

人參

一兩

當歸

二兩

川芎

一兩

川牛膝

三兩

升麻

四分

附子

一分

水煎服一劑而兒轉身矣再三劑自然順生此方  
之妙用人參以補氣之虧用芎歸以補血之虧人

人皆知其義若用升麻又用牛膝附子恐人未識  
其妙也蓋兒已身斜非用提絜則頭不易轉然轉  
其身非用下行則身不易降升麻牛膝並用而又  
用附子者欲其無經不達使氣血迅速以催生也  
若服三劑後以針刺兒手足仍不轉身以針刺產  
婦合骨穴兒即下萬不可使穩婆用手採取以致  
子母俱危戒之

一子死產門 婦人有生產三四日兒已到產門交  
骨不開兒不得下子死而母未亡者服開骨之藥  
不驗當有死亡之危今幸而不死者正因其子死

而胞胎下墜子母離開母氣已收未至同子氣俱  
絕也治但救其母而不必顧其子矣然死子在產  
門寒其下口亦有致母死亡之道宜用推送之法  
補血以生水補氣以生血使氣血兩旺死子可出  
而存母命也倘徒用降子之劑以墜之則死子未  
必下而母氣先脫矣非救援之善者也予親見此  
等之症常用救母丹活人頗多故誌之

人參

一分

當歸

二分

川芎

二分

益母草

一分

赤石脂

二分

芥穗

三分

方妙不可加減

水煎服一劑而死子下矣此方用芎歸以補血人

參以補氣氣旺血旺則上能升而下能降氣能推而血能送况益母又善下死胎石脂能下瘀血自然一湧而出無少阻滯矣

一子死腹中 婦人有生產六七日胎衣已破而子不能下人以為難產之故也誰知是子已死於腹中乎夫兒死於兒門之邊易辨而死於腹中難識蓋兒已到產門之邊未死者頭必能伸能縮已死者必然不動即以手推之亦必不動如故若係未死以手少拔其兒之髮兒必退入故曰易辨若兒死腹中何從而知之然實有可辨而知之者觀產

母面赤舌青則子死母活若面舌唇口皆青而又口中吐出痰沫者子母必皆難救雖然亦有胎已死而舌色不變者但腹中必陰冷而重墜口中必甚穢而嘔噦亦有不嘔而但喘而不得卧者面冷而絕無溫和氣者其脈多勁搏如按琴弦又或如循刀刃斯時兒真死矣以此辨生死斷斷不爽也既知兒死腹中不能用藥以降之危道也若用霸道以洩之亦危道也蓋生產至六七日其母之氣必甚困乏惡能勝霸道之治如用霸道以強逐其死子恐死于下而母亦立亡矣必須仍補其母使

母之氣血旺而死子自下也方用療兒散

人參 一刃 當歸 二刃 川牛膝 五二 鬼舊 三二 研水飛

乳香 二二

水煎服一劑而死子下而母生矣凡兒之降生必先轉其頭原因其母氣血之虛以致兒不能轉頭以向下世人用催生之藥以耗兒之氣血則兒之氣不能通達反致閉悶而死於腹中此實庸醫殺之也所以難產之疾斷斷不可用催生之藥只宜補氣補血以壯其母而全活嬰兒之命正無窮也此方救兒死之母仍大補氣血所以救其本也誰

知救本即所以催生哉

大凡難產者往往見於鬱悶安佚之人富貴奉養之家若貧賤辛苦而犯此者蓋罕矣亦有因本婦畏痛彎腰側靠不肯舒身穩婆孟浪早行試水妄使用力此橫逆諸患所由致也至胎死腹中關係尤重呼吸之間生死立判救之之法所不容緩但須認得真確毋誤損生胎夫胎死腹中者除撞觸致傷食飲犯忌熱病內蒸與臨月而房室不禁外亦有驚動太早漿盡血乾使胎無所養而致者此刻不必驚惶惟令產母上床穩卧切勿用力努掙徒

傷神氣第宜勉進飲食勿令氣乏予治極多十可  
全十惟以脫花煎加芒硝三五錢水煎熟服其胎  
化水而下矣古方以平胃散加芒硝下死胎下胞  
衣功雖最捷而暗中有損予見數人用此者胞胎  
雖下而產婦過一二年皆歿無一免者大都平胃  
散尅伐胃氣而芒硝鹹寒傷血所以臟腑暗中  
受損今易用脫花煎藥味甘溫而歸芎活血生  
血肉桂暖血更加附子一二錢雖芒硝之寒不能  
為害矣此等事非臨證久者莫知其弊也予嘗治  
一少婦年二十四原是初產總由慌忙急促產不

係



酌

如法乃至久不能下延予至而胎已死矣問產婦  
腹內動否曰不動小腹陰冷知其胎死無疑欲用  
前藥慮其初產門戶未舒因與主家商酬皆聽予  
言則萬無一失今死胎僵硬以藥下之恐交骨未  
開必損其母莫若以十全大補倍參桂一以扶產  
母精力二可以暖其下元使胎自爛始能保全無  
恙產家以予言為是依此行之以十全大補倍參  
桂服一劑後腹中溫暖不痛不急予曰得之矣所  
慮者腹痛作墜今不痛不墜足以耐之更幸產婦  
年力本強脾胃素健每食乾飯三盃肥雞半隻予

見益喜以其中氣不衰自堪承任仍每日如是調理至五日而死胎自下糜爛臭穢不堪產母精神如舊毫無傷損可見死胎不忙不亂尚能保全況生胎于第人不肯安靜必欲強為奈之何哉

脫花煎

當歸

六分

川芎

三分

肉桂

二分

牛膝

二分

桃仁

一二五分

紅花

一分

水二鍾煎八分熱服後飲酒數杯亦妙若胎死腹中或堅滯不下者加朴硝三五錢即下若氣虛困劇者加人參二三錢更加附子二錢若陰

虛者必加熟地五六錢

此方不獨能下死胎而催生亦最妙凡臨盆將產  
欲服此方者必須待其時真而後可但紅花不宜  
用之

十全大補湯

人參 三二 白朮 三二 茯苓 二二 熟地 四二 當歸 四二

川芎 二二 白芍 二二 黃芪 三二 肉桂 二二 炙草 八分

右剉姜棗煎服

佛手散

當歸 五二 川芎 三二

水七分酒三分同煎七分治六七箇月後因事跌  
磕傷胎或子死腹中疼痛不已口噤昏悶或心腹  
飽滿血上衝心者胎之生胎即安死胎即下又治  
橫生倒產及產後腹疼發熱頭疼逐敗血生新血  
能除諸疾 如橫生倒產子死腹中者加黑馬料  
豆一合炒焦熟來熬滓入水中加童便一半煎服  
少刻再服

史記卷八

十一之二合也且庚未庚申八本中必重刻一半宜辨

辨別始末之說執上論去七八新中亦必重刻

辨至四武庚氣新難表意頗為至理更至陽道

辨數在九傳本亦謂之至謂以安八部明下之

辨數謂及于以新中為斷八口若各問及以新

本又合似三合同直又合於六又簡者數因事疑

正產諸症

一胞衣不下 產婦有兒已下地而胞衣留滯於腹  
中二三日不下心煩意燥時欲昏暈人以為胞衣  
之蒂未斷也誰知是血少乾枯粘連於腹中于世  
人見胞衣不下未免心懷疑懼恐其沖之於心而  
有死亡之兆然而胞衣完何能上沖於心也但胞  
衣不下瘀血未免難行恐有血暈之虞耳治法仍  
是宜大補其氣血使生血以送胞衣則胞衣自然  
潤滑潤滑則易下生氣以助生血血生自然迅速  
尤易催墮也方用送胞湯

當歸

二升

川芎

五升

益母草

一斤

乳香

一斤 不去油

沒藥

一斤 不去油

芥穗

三升

麝香

五厘 研另沖

水煎服立下此方以芎歸補其氣血以荆芥引血  
 歸經用益母乳香等藥逐瘀而下胞衣新血既生  
 則舊血難存氣旺上升而瘀濁自降尚在留滯之  
 若哉大胞衣是胞兒之一物非依於子即依於母  
 子生而不隨子俱下以子之不可依也故留滯於  
 腹若有回順其母之心母胞雖以生子而其蒂間  
 之氣原未遽絕所以留連欲脫而未脫往往有存  
 腹六七日不下而竟不腐爛者正以其尚有生氣

有

也。可見胞衣留腹不能殺人，補之而自降耳。或謂胞衣既有生氣，補氣補血則胞衣亦宜堅牢，何以補之而反降也？不知子未下，補則益於子；已下，補則益於母；益子而胞衣之氣運益母，而胞衣之氣脫，此胞胎之氣開通則兩合閉，則兩開矣。故大補氣血而胞衣反降也。

一、有婦人子下地五六日而胞衣留在腹中，百計治之，竟不能下，而又絕無昏暈煩燥之狀，人以為瘀血之粘連也。誰知是氣虛不能推送乎？夫瘀血在腹，斷無不作祟之理。有則必然發暈，今安然無恙。



是血已淨矣血淨宜清氣升而濁氣降今肥衣不  
下是清氣下降而難升遂至濁氣上浮而難降然  
濁氣上升又必有煩燥之病今亦安然是清濁  
之氣兩不能升也然則補其氣不無濁氣之上升  
乎不知清升而濁降者一定之理未有清升而濁  
亦升者也苟能於補氣之中仍分其清濁之氣則  
升清正所以降濁也方用補中益氣湯

人參

三二

生黃芪

一四

升麻

三分

陳皮

二分

當歸

五二

白朮

五分土炒

柴胡

三分

炙草

一分

萊菔子

五分炒  
研

方極效

杆

水煎服一劑而胞衣自下矣夫補中益氣湯乃提  
氣之藥也並非推送之劑何以能降胞衣如此之  
速也然而濁氣之氣不降者由於清氣之不升也提  
其氣則清升而濁降濁氣降則腹中所存之物即  
無不隨濁氣而盡降正不必再用推送之法也况  
又如萊菔子數分能理濁氣不至兩相杆格所以  
奏功之奇也

一氣虛血暈 婦人甫產兒後忽然眼目昏花嘔惡  
欲吐心中無主或神魂外越恍若天上行雲人以  
為惡血冲心之患也誰知是氣虛欲脫而然乎

蓋新產之婦血必盡傾血室空虛止存幾微之氣  
倘其人陽氣素虛不能生血心中之血前以蔭胎  
胎墮而心中之血亦隨胎而俱墮心無血養所賴  
者幾微之氣以固之耳今氣又虛而欲脫而君心  
無護所剩殘血欲奔回救生而血非正血不能歸  
經內庭變亂而成血暈之症矣治法必須大補氣  
血斷不可單治血暈也或疑血暈是熱血上冲而  
更補其血不愈助其上升之勢乎不知新血不生  
舊血不散補血以生新血正活血以逐舊血也然  
血為有形之物難以速生氣乃無形之物易於迅

發補氣以生血尤易於補血以生血耳方用補氣

解暈湯

人參一兩

生黃芪一兩

當歸一兩

不用酒洗

黑芥穗三錢

姜炭一錢

方極效不可加減

水煎服一劑而暈止二劑而心定三劑而血止四劑而血旺再不暈矣此乃解暈之聖藥用參芪以補氣使氣旺而生血也用當歸以補血使血旺而養氣也氣血兩旺而心自定矣用荆芥穗引血歸經用姜炭以行瘀引陽瘀血去而正血歸不必解暈而暈自解矣一方之中藥止五味而其奏功之

奇而大如此其神矣乎

一血暈不語 產婦有子方下地即昏暈不語此氣  
血兩脫也本在不救然救之得法亦有能生者予  
得岐天師秘訣何敢隱而不宣予當斯之時急用  
銀刺其眉心得血出則語矣然後以人參一兩煎  
湯灌之無不生者即用黃芪二兩當歸一兩名  
當歸補血湯煎湯一碗灌之亦得生萬不可於二  
方之中輕加附子無經不違反引氣血之藥走而  
不守不能專注於胞胎不若人參歸芪直救其氣  
血之絕聚而不散也蓋產婦昏暈全是血室空虛

無以養心以致昏暈古為心之苗心既無主而古  
又安能出聲耶夫眉心之穴上通於腦下通於古  
而其系則連於心刺其眉心則腦與古俱通而心  
之精氣上升則瘀血自然下降矣然後以參芪當  
歸之能補氣生血者煎湯灌之則氣與血接續又  
何至於死亡乎雖單用參芪當歸亦有能生者然  
終不若先刺眉心之為更妙世人但知灸眉心之  
法不知刺更勝於灸蓋灸法緩而刺法急緩則難  
於救絕急則易於回生所謂急則治其標緩則治  
其本也

一敗血攻心暈狂 婦人有產後二三日發熱惡露  
不行敗血攻心狂言呼叫甚欲奔走拏捉不定人  
以為邪熱在胃之過誰知是血虛心不得養而然  
乎夫產後之血盡隨胞胎而外越則血室空虛臟  
腑皆無血養只有心中之血尚存幾微以護君心  
而臟腑失其所養皆欲取給於心心包為心君之  
宰相攔絕各臟腑之氣不許入心始得心神安靜  
是護心者全藉心包之力也使心包亦虛不能障  
心而各臟腑之氣遂直入於心以分取乎心血心  
包情急既不能內顧其君又不能外禦乎衆於是

大聲疾呼號鳴勤王而其迹象反近於狂悖有無  
可如何之勢故病狀似熱而實非熱也治法須大  
補心中之血使各臟腑分取以自養不得再擾乎  
心君則心君泰然而心已亦安矣方用安心湯

當歸

二升

川芎

一升

生地

五升炒

丹皮

五升

生蒲黃

二升

乾荷葉

一斗引

水劑服一劑而狂定惡露亦下矣此方用芎歸以  
補血何以又用生地丹皮之涼血似非產後所宜  
不知惡露所以奔心原因虛熱相犯於補中涼之  
而涼而為害况益之以荷葉七竅相通引邪外出



不惟內不害且佐蒲黃以分解乎惡露也但只可暫用以定狂不可多用以取咎也謹之慎之

服藥後狂定宜服加味生化湯當歸酒洗一兩川芎三錢桃仁錢半研荊芥穗炒炭一錢丹皮錢半服四劑妙

一腸下 產婦腸下亦危症也人以為兒門不關之故誰知是氣虛下陷而不能收乎夫氣虛下陷自宜用升提之藥以提其氣然新產之婦恐有瘀血在腹一旦提氣並瘀血升騰於上則沖心之患又恐變出非常是氣又不可竟提也氣既不可竟提

下

而氣又不陷將用何法以治之哉蓋氣之下陷者  
因氣之虛也但補其氣則氣旺而腸自升舉矣惟  
是補氣之藥少則氣力薄而難以上升必須以多  
為貴則腸旺力強斷不能降而不升矣方用補氣  
升腸湯

人參 一兩 生黃芪 一兩 當歸 一兩 白朮 五錢

川芎 三錢 升麻 一分

水煎服一劑而腸升矣此方純為補氣全不去升  
腸即如用升麻一分亦不過引氣而升耳蓋升麻  
之為用少則氣升多則血升也不可不知又方用

草麻仁四十九粒搗塗頂心以提之腸升即刻洗  
去時久則恐吐血此亦升腸之一法也

若盤腸生者勿遽服此方急以陰陽家用過效驗  
磁石煎湯服即收一法以半夏末搐鼻孔中自上  
一法將大紙釘蘸蒜油點火吹滅以其烟熏鼻孔  
即上一法盛腸於潔淨器中將黃芪煎濃湯浸之  
或以磨刀水潤之亦上此數法為子未下言也倘  
子先下急服此方少遲恐氣脫不救

臨產方藥

保產神效方

未產能安臨產能催偶傷胎氣腰疼腹痛甚至見  
紅不止勢欲小產危急之際一服即愈再服全安  
臨產時交骨不開橫生逆下或子死腹中命在垂  
危服之奇效

當歸 一五五分

川芎 一二三分

厚朴 七分姜汁炒

枳殼 六分炒

兔絲子 二酒洗

艾葉 五分

川羌活 五分

貝母 一二

荆芥 八分

黃芪 七分蜜炙

白芍 一五二分炒

甘草 五分

生姜 三片

保產無憂散

水煎隨宜服之乃第一奇方載於保產輯要昔時  
舊板較之保產無憂本方藥味相同而分數稍異  
如胎至三四月每月服一次至八九月每二十天  
左近服一次臨產再服易於分娩並可杜血暈陰  
脫無乳血塊痛等症此方真屢試屢驗勿得輕視

當歸 一五五分酒洗

真川芎 一五五分

兔絲子 一五五分酒洗

白芍 酒炒一五五分  
臨月加三分

川貝母 一五去心

嫩黃芪 蜜炙  
八分

荆芥穗 八分

蘼艾 酒洗七分

厚朴 姜炒七分

羌活 五分

枳殼 炒六分

甘草 五分

水三鍾姜三片煎八分溫服渣照前預服者空心  
溫服臨產或安胎者隨時熱服

此乃第二奇方如治素有難產之患或懷孕胎滑  
有多小產者服一劑永不小產或懷胎偶而傷動  
胎氣熱服一劑立安腰疼腹疼甚至見紅不止勢  
欲小產危急之際再服全安如胎孕至七八箇月  
服一劑過半月後再服一劑臨產時再服一劑如  
人虛加人參一錢可保子母平安不受驚怖或因  
子死腹中命在垂危服之無不立效藥味要揀地  
道炮炙分兩必要照方稱準此仙授奇方不可妄

意增減

右方保胎每月三五服臨產熱服催生如神

僂傳回急保生丹 此方得之神感用之效驗異常

不可萌獲利心能合就施人功德難量

大紅鳳仙子 九十粒 白鳳仙子 四十九粒

死龜板 一刃麻油塗炙 淮牛膝 三二 桃仁 一五五分

川芎 五二 當歸身 五二

共為末鳳仙子另行包好臨時將藥稱明分兩配

入臨盆時米飲調服 三二 遲則再服 一五 交骨

不開者即開難產者不過三服 臨盆一月內本方

去鳳仙子入益母膏二升 每日早未飲調服二升

則臨盆迅速 產後瘀血不淨變生病者或兒枕

痛於小方內加炒紅曲三二 酒炒馬料豆二合共

為末用童便半杯陳酒半杯調服二三錢即愈

惟鳳仙子於臨盆時用

僊傳通津救命至靈丹

此湯治裂胞生及難產數日血水已乾產戶枯澁

命在垂危者服之神效

桂元肉六升 去核 生牛膝稍 一升

右剉黃酒浸搗爛將桂元肉煎濃汁沖入牛膝酒

梢



內服之停半日即產親救數人無不奇驗

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

蘇天... 蘇天... 蘇天...

續景岳先生臨產三字寶訣

凡臨產家診視無論脈之滑濇痛之緊緩但曰未離  
經仍囑產婦曰脈未離經尚非正產且脈氣舒徐  
定然安吉惟言加餐穩卧俟其時至可也此何意  
蓋產育全賴母氣為主產婦聞其脈未離經知時  
未到不敢望其速下惟安心耐之而已產婦一安  
舉室皆安度無倉皇擾攘之患天下原無難產之  
事凡難產而致死者總由時候未至倉惶逼迫害  
之也始則家長驚慌不能鎮定繼則產婦嬌怯不  
肯忍痛或弄產或轉胞稍有腹痛隨即聲揚無知

穩婆便稱是產而試水坐草一任胡為豈知七候  
未臨胎氣未足子在胞中安然不動欲令其產焉  
可得乎因其久而不下產婦則驚懼憂疑飲食不  
納漸至氣怯神昏常有未產而斃者矣予臨是證  
但曰未離經惟以大劑甘溫之藥與之如八珍十  
全之類助其產母之元氣若為正產則腹痛陣緊  
一陣痛急自下倘非正產則腹痛漸減漸緩胎元  
得暖而安矣予之所經穩婆謂頭已平門予診得  
脈未離經用固胎暖藥而安之此特有遲至一月  
半月十日而產者已經十數人矣豈有頭已平門

淫

而能倒懸一月半月之理即此可知穩婆之不足  
信而觀亟齋言曰凡邪淫之婦私胎並無難產總  
因胎氣於私怕人知覺只得極力忍痛痛到極熟  
之時則脫然而出此豈有穩婆分插妙藥催生乎  
凡產育能耐心忍痛聽其自然則萬舉萬全者謂  
藥能催生予則不敢許也至催生之法謂產時胞  
漿已下一二時辰不生方可用之蓋漿乃養兒之  
物漿乾不產必胎元無力愈遲則愈乾力必愈乏  
不得不以大補氣血之藥助其母力又惟人參為  
至聖其次則脫花煎芎歸湯皆可然亦須子已出

胞交骨既開門戶已正方為有益若止憑產婦腹  
痛之言穩婆頭至之說妄用催生方藥不惟無濟  
反速其斃慎之戒之

勸穩婆說

穩婆云者以其收人之生小心細膩萬穩萬當而無一毫勉強一絲累人使產母穩嬰兒穩故名今之收生者或遇接去不顧產婦之為試痛為正痛一味逞己之能或擦腰揉肚或探摸產門挖破胞漿令其速出幸而生過幾胎熟門熟路或保無虞倘遇頭胎施此仗倆騙其頭已在此妄今用力釀成橫生倒產之禍甚至母子俱亡皆收生之不穩也奉勸世之收生者各發良心設遇試痛不妨真言曰胎氣不安產期尚早仍令產母耐心靜養切勿遽以速生了事試思

直

我要子孫他亦要子孫我要性命他亦要性命我  
以為利之故害其子孫害其性命則此等造孽之錢  
定決不能安享設使輕易動手致有錯誤一朝結下  
怨鬼我自己豈無懷孕之時我兒媳豈無生產之時  
此等怨鬼安保其不來索命乎到此時心頭摸摸雖  
悔亦無及矣即或一時僥倖不致傷人性命而要之  
嬰兒胎氣未足將來決非壽種原其故皆是穩婆之  
不穩害之也惟冀為穩婆者顧名思義求其萬穩萬  
當者而收之萬穩萬當者何順其自然而已稍不自  
然即自禁亂動手誠能如此居心則救人一命勝造

七級浮圖于孫昌盛家業興隆獲福無量矣



Vertical columns of text, likely bleed-through from the reverse side of the page. The text is extremely faint and illegible.

驗案

前大僕卿霍山張公三君葆華繼夫人年輕體壯孕必八箇月而產產必數日百苦而下生女必週而歿再孕再產再歿皆同予謂後當生宜相聞明年又八箇月坐草三日不下忽憶予言飛輿相召中途逢驅車者云迎其父母作永訣計比至己夜分矣診之脈未離經人餘殘喘穩婆在房間之曰兒頭已抵產門不得出耳予急令安卧且戒勿擾與安胎藥明晨主人出笑而不言問之曰好了予曰昨言兒頭已抵產門今若何曰不見了大笑而別

後此百二十日計十二足月生男謂余為父今八  
歲矣始知前此皆生生取出以體壯年輕幸保母  
命耳

在張宅日色庠程以學邀至其家有寵人坐草二日  
而不生亦與安胎藥越十六日生女  
大學戴諱時濟與予比鄰契好先是令弟媳一產三  
男母子俱殞一猶在腹今又婢孕其腹膨脹頗患  
之比產先令安卧與加味芎歸湯每隔半日而產  
積日半三子俱生

兔

陳氏妻生九日夜不下一息尚存聞余有鬼腦丸踵

門求藥余問之亦曰頭逼產門不得出諭令安卧  
再來取藥強而後去繼與加味芍歸湯明日生下  
母子兩全 按此皆產母用力逼令橫在腹中耳  
豈有人倒懸十日而尚得生子

昔一婦產兒手出不得入穩婆礪及以頭余見而惻  
然急令安卧與大劑芍歸湯徐徐託之手入明早  
定生下母子皆安右臂紫黑數月而後消

保產金丹卷二終赤口取靈武附宋蘇允齋令女校